

Libellus historicus Ioannis de Plano Carpini, qui missus est
Legatus ad Tartaros anno Domini 1246. ab Inno-
centio quarto Pontifice maximo. Incipit
Prologus in librum Tartarorum.

Omnibus Christi fidelibus ad quos præsens scriptum peruenerit, frater Ioannes de Plano Carpini ordinis fratrum minorum, Apostolicæ sedis Legatus, nuncius ad Tartaros et nationes alias Orientis. Deī gratiam in præsenti, et gloriam in futuro, et de inimicis suis gloriam triumphalem. Cum ex mandato sedis apostolicæ iremus ad Tartaros et nationes alias Orientis, et sciremus Domini Papæ et venerabilium Cardinalium voluntatem, eligimus prius ad Tartaros profiscisci. Timebamus enimne per eos in proximo ecclesiæ Dei periculum immineret. Et quamuis a Tartaris et alijs nationibus timeremus occidi, vel perpetuo captiuari, vel fame, siti, algore, æstu, contumelia, et laboribus nimijs, et quasi vltra vires affligi (quæ omnia multo plusquam prius credidimus, excepta morte vel captiuitate perpetua nobis multipliciter euenerunt) non tamen pepercimus nobis ipsis, vt voluntatem Dei secundum Domini papæ mandatum adimplere possemus, et vt proficeremus in aliquo Christianis, vt saltem scita veraciter voluntate et intentione ipsorum, possemus illam patefacere Christianis, ne forte subito irruentes inuenirent eos imparatos, sicut peccatis hominum exigentibus alia vice contigit: et fecerunt magnam stragem in populo Christiano. Vnde quæcunque pro vestra vtilitate vobis scribimus ad cautelam, tanto securius credere debetis, quanto nos cuncta vel ipsi vidimus oculis nostris, qui per annum et quatuor menses et
amplius, ambulauimus per ipsos et cum ipsis, ac fui-
mus inter eos, vel audiuius a Christianis qui sunt
inter eos captiui, et vt credimus fide dignis. Mandatum etiam a
supremo pontifice habebamus, vt cuncta, perscrutemur et vide-
remus omnia diligenter. Quod tam nos quam frater
Benedictus eiusdem ordinis qui nostræ tribulationis
fuit socius et interpres fecimus studiose.

Annus & 4
menses &
amplius.

Frater Bene-
dictus Polo-
nus comes
Ioannis de
Plano
Carpini.

De terra Tartarorum, situ, qualitate & dispositione
aeris in eadem. Cap. i.

Volentes igitur facta scribere Tartarorum, vt lectores facilius
valeant inuenire, hoc modo per capitula describemus. Primo
quidem dicemus de terra. Secundo de hominibus. Tertio de
ritu. Quarto de moribus. Quinto de ipsorum imperio. Sexto
de bellis. Septimo de terris quas eorum dominio subiugauerunt.